

六十種曲

(九)

毛

晉編

(本書係用開明書店原版重印)

六 十 種 曲 (第九冊)

錦箋記 蕉帕記 紫簫記

水滸記 玉玦記

[明] 毛 晉 編

*

中 華 書 局 出 版

(北京王府井大街 36 號)

新華書店北京發行所發行

北京第二新華印刷廠印刷

■

787×1092 毫米 1/32·20¹/₈ 印張·275 千字

1958 年 5 月新 1 版 1932 年 8 月北京第 2 次印刷

印數 1,101—9,100 冊

統一書號: 10018·46 定價: 2.40 元

繡刻演劇十本

第五套

錦箋

蕉帕

紫簫

水滸

玉玦

灌園

種玉

雙烈

獅吼

義俠

題演劇五套

粵稽軒轅張樂洞庭之魚龍怒
飛神禹治水山海之怪異畢現
亘上下古今人事不齊守株則
綿撮易辨創獲乃出奇無窮卽

色聲一線脉夫何必屏鄭哇而
放吳歛排燕儻而擯楚馱若別
有妙會任倒橫直豎覆去翻來
眼底舌端恣其逸弄臭腐傳變
爲神奇互開一生面矣爾廼拾

簫分箋之離奇也諸如明玉綠
蕉之怪誕也俄見玉階金埒倏
而拾翠縈花甚者魯山扣瑛鮫
人裂蘧潛虬唵淵莊騏唳露旣
屬幽奇復資玄發逞二龜毛兔

角似不從人間世來謾云金閨
之弗貯寧非玉壘之積埃從事
冶場不啻飲孺珉而虹繞方且
叶塤箎以風適卽石丈亦應點
頭矣 長生日思玄道人題

繡刻錦箋

記定本

目錄

第一齣 家門

第二齣 游杭

第三齣 赴閩

第四齣 訪姨

第五齣 友聚

第六齣 遺箋

第七齣 尋箋

第八齣 婆奸

第九齣 初晤

第十齣 傳私

第十一齣 詒婚

第十二齣 醉春

第十三齣 爭館

第十四齣 怨寡

第十五齣 進香

第十六齣 閱錄

第十七齣 聞計

第十八齣 重晤

第十九齣 協計

第二十齣 尼奸

第二十一齣 泛月

第二十二齣 聯姻

第二十三齣 盜起

第二十四齣 渝盟

第二十五齣 分箋

第二十六齣 遙訪

第二十七齣 敗北

第二十八齣 蠟書

第二十九齣 旅訴

第三十齣 及第

第三十一齣 選宮

第三十二齣 題錄

第三十三齣 陷選

第三十四齣 代選

第三十五齣 草奏

第三十六齣

協奏

第三十七齣

賜婚

第三十八齣

咸遂

第三十九齣

畫錦

第四十齣

合箋

錦箋記

明 周履靖 著

第一齣 家門

〔西江月〕〔末上〕身外閒愁莫惹。眼前聲伎堪規。一生聚散與歡悲。消得簷前寸晷。謾道夢長夢短。總將傀儡搬提。清歌雅宴且追隨。亦是百年良會。〔間內如常介〕

〔沁園春〕吳下梅生。錢塘柳氏。萱親世誼。因相依登覽。情惹春詞。虔婆撮合。侍女傳私。鄒君留學。日久心期。堅貞百伎縱難移。奸尼巫藥。僅折借春枝。遊嬉漏洩微機。好事多磨。是又非。千里空勞命駕。杏園感泣。趙公戲筆。齒錄曾題。佳人陷選。義女捐軀。金門協奏。賜完歸。歌嘒彼室家咸遂。書錦樂于飛。〔下〕

第二齣 游杭

〔破齊陣引〕〔生上〕風月烟霞情致。琴書薰茗襟期。富貴雲如功名夢耳。畢竟

親同螻蟻。拈花弄月須乘少。問水尋山莫待遲。從人笑絕癡。〔鷓鴣天〕少小搖華振雅音。清泉白石在胸襟。馬非蹀躞寧酬價。人不嬋娟肯動心。無管束。任浮沈。興來何處不登臨。黃金如斗那堪惜。明日池塘是綠陰。小生姓梅。名玉。字德溫。籍本江北。家寓吳中。父任春官。母家杭郡。不幸椿萱早逝。親故寥寥。止有義姨柳母。越水吳山。久沈魚雁。及聘荆妻薛氏。弱齡多病。未遂鸞鳳。自笑此身。好似孤雲片月。野鶴山癡。僅喜世誼稍厚。足供山水盤桓。天分頗高。不乏科場揮灑。客歲回籍訪親。叨魁本省鄉榜。途膺寒疾。頓沮北征。自幸餘生。將辭一試。奈我岳父大人。期我衣錦歸娶。強我力疾起行。奈何奈何。我想錢塘山水甚佳。且有母姨在彼。只說北上。潛往一游。卻不是好。正是南國風雲誇勝會。北山猿鳥忽離羣。〔丑扮家僮挑行李上〕錦囊藏綠綺。玉匣貯青萍。〔淨扮稍公上〕舟去三千里。〔小旦扮稍婆上〕鵬搏九萬程。〔淨〕大哥。風水不便。早些起程。〔丑〕曉得。稟大爺。行李船隻俱已齊備了。〔生〕這等下船罷。〔下船脫衣介〕紫苔。分付家長。要杭州去。〔丑〕噯。家長。我們要杭州去。不到鎮江了。〔淨〕這等待我放船轉來。〔放船介〕請問官人。杭州去做甚麼。〔生〕看看山水。〔淨〕好好。待我唱個歌兒開船。

〔吳歌〕〔淨〕北來南去幾時休。爭利爭名各有頭。只有我裏官人愛山水。攜琴裹茗上扁舟。〔淨會稽前舵〕

〔朝元歌〕〔生〕扁舟乍攜。〔淨〕好順風。好順風。〔生〕湖滸風威利。〔丑〕呀。洞庭山都逃載。

〔生〕遙山乍迷。溪樹霏烟起。〔丑扯生指小旦介〕大爺好沒色來哩。〔生〕野草閒花。肯縈幽緒。〔丑〕薰爐在此。〔生〕靜對沈烟一縷。謾詠新題。香風暗吹籬落梅。江鳥自依依。沙鷗渾不疑。〔內搥元霄鼓介合〕繁華邑里。又早試上元歌吹。上元歌吹。

〔吳歌〕〔小旦〕村村歌吹奏春聲。浪靜風和月以介明。百里水程連夜走。山靈應笑介殷勤。

〔朝元歌〕〔丑〕應笑東人高致。行行又曉雞。村塢漸開扉。方音旋異。炊烟爭起。

〔生〕紫苔做早膳。〔丑〕蕩槳芳姝佳麗。信可忘饑。〔淨〕望見臨平山了。〔丑〕青山似嬌妝。鏡眉峯斂。水鳴悲。草腥魚市迴。〔內鼓介合前淨〕到了。到了。〔丑〕大爺馬去轎去。〔生〕馬去。〔淨〕出去就有馬了。〔丑〕曉得。船錢在此。〔淨〕多謝多謝。

〔淨〕水綠沙平一帶春。

〔丑〕雪晴風暖不生塵。

〔生〕年光到處皆堪賞。

〔合〕能解閒行有幾人。

第三齣 赴閩

〔小重山〕〔外上〕幾載戎衣滿戰塵。雄心拚裏革肯思尊。茲承新命鎮南閩。機務重。礪劍亟長征。腰間寶劍七星文。臂上雕弓百戰勳。謾說寰中多點虜。須知天上有將軍。下官姓柳。名苑。字茂夫。唐山南節度使柳子寬之裔。由武功歷陞福建副元帥。頃刻文憑欽限甚緊。卽日起程前去。路途迢遞。烽警不常。夫人楊氏。小女淑娘。俱不挈帶。只選一二能幹家人。伏侍前行了。正是漸與骨肉遠。轉於僮僕親。

〔前腔〕〔老旦上〕羽檄遙催赴柳營。乍聞脂轄也不勝情。〔旦上〕含愁花底對離尊。牽衣問。何日復趨庭。〔見介外〕夫人。我文憑已到。欽限甚緊。卽日就要起行。你母子俱不好帶了。〔老旦〕嗟。待備卮酒。少壯行色。望相公少留。〔外〕生受你。〔老旦〕快看酒來。〔小生扮僕上〕竹葉離尊滿。〔淨扮婢上〕梅花別路長。酒在此。〔老旦送酒介〕

〔催拍〕〔老旦〕匆匆去魂銷淚傾。一卮酒悲歌渭城。天涯咫尺。天涯咫尺。
相公。邊境風霜。好謹晨昏。宦海波濤。須惜身名。〔外〕夫人不必掛懷。〔合〕長亭路
正值芳春。草細細。柳青青。

〔前腔〕〔外〕感君恩推轂專征。誓掃靖烽烟虜塵。〔老旦旦悲介外〕別離肯淚傾。別
離肯淚傾。〔老旦〕相公。家事你也掉得下。〔外〕我欲列雲臺。鍾鼎銘勳。松菊田園。那管
荊綦。〔合前末扮武官上〕經山復歷水。送往更迎來。〔生丑小旦雜扮四軍士上〕牙旂從征展。兵符
到府開。〔衆〕門上通報。福建帥府差人迎接老爺。〔小生應報介老旦旦淨退下外出見介末〕本府
都爺差把總迎接老爺。〔叩頭介衆隨叩介外〕打發回帖與那官先回。軍校外廂伺候。〔衆應下老
旦旦淨復上外起更衣介〕

〔前腔〕〔旦〕念椿庭桑榆景侵。爲王事孤身海濱。況如今呵。干戈四野橫。干戈四
野橫。爹爹還愁你超乘穿楊。耗力疲形。聚米量沙。竭慮勞神。〔合前衆起淨轎席下外〕
叫院子。分付書手寫告示在門上。三姑六婆。管門人役。不許放入。如違查出重究。〔小生應介外〕夫